

**Organizacioni odbor za obilježavanje 11. jula 1995. godine 26. godišnjice genocida nad Bošnjacima  
„Sigurne zone UN-a“ Srebrenica  
i ukop identifikovanih žrtava iz jula 1995 godine;  
Pododbor za naučnu, kulturnu i izdavačku djelatnost**

**JAVNI POZIV  
za sufinansiranje naučno-istraživačkih projekata**

1. Predmet Javnog poziva i cilj programa:

Predmet Javnog poziva je sufinansiranje naučno-istraživačkih projekata naučnika iz BiH koji se bave proučavanjem rata u Bosni i Hercegovini 1992-1995, njegovim pravnim, političkim, socijalnim i kulturnim pretpostavkama kao i posljedicama, uključujući i istraživanje različitih aspekata kulture, kao i istraživanjem ratnih zločina uključujući i genocid u Srebrenici. Prijaviti se mogu aktivni naučnici iz oblasti historiografije, političkih i pravnih nauka, sociologije i kulturalnih studija, pri čemu zavisno od stalnog mjesta boravka apliciraju za jednu od linija sufinansiranja. Istraživačko sufinansiranje se dodjeljuje etabliranim naučnicima s doktoratom iz pripadajuće oblasti kao i mlađim istraživačima koji se nalaze na početku akademske karijere.

2. Trajanje i visina sufinansiranja

Sufinansiranje u ukupnom trajanju do deset mjeseci se dodjeljuje u dvije linije:

- a) za domaće istraživače (sa stalnim boravkom u BiH) u iznosu od 2000 KM mjesečno (bruto)
- b) za istraživače nastanjene izvan BiH u iznosu od 3000 KM mjesečno (bruto)

U iznos sufinansiranja uključeni su troškovi boravka i putovanja autora/istraživača i isto se mora konzumirati u roku od dvije godine.

3. Teme koje mogu biti predmet naučno-istraživačkog projekta su:

- Historija rata u BiH (politički, pravni, društveni i kulturni aspekti)
- Ideološke, političke, društvene i kulturne pretpostavke rata u BiH
- Pravne, ideološke, političke, društvene i kulturne posljedice rata u BiH
- Genocid i ratni zločini
- Kultura sjećanja u odnosu na rat u Bosni i Hercegovini

4. Kriteriji za prijavu naučno-istraživačkog projekta:

Kandidati su uz prijavu (na bosanskom i/ili engleskom jeziku) na Javni poziv dužni priložiti:

- Detaljan opis naučno-istraživačkog projekta (8.000-14.000 znakova bez popisa literature) uključujući i obrazloženje na koji način sufinansiranje može pomoći realiziranju istraživačkog projekta, kao i popis literature relevantne za istraživanje
- Izjavu ili ugovor/predugovor/pismo namjere sa uglednim i afirmisanim izdavačem iz Bosne i Hercegovine ili inostranstva
- Plan istraživačkog rada po mjesecima
- Biografiju s bibliografijom
- Dodatno: tri objavljena vlastita rada relevantna za istraživanje (ukoliko su dostupna)

## 5. Postupak i kriteriji dodjele:

O izboru kandidata za sufinansiranje odlučuje Pododbor za naučnu, kulturnu i izdavačku djelatnost koji imenuje Organizacioni odbor za obilježavanje 11. jula 1995. godine 26. godišnjice genocida nad Bošnjacima „Sigurne zone UN-a“ Srebrenica i ukop identifikovanih žrtava iz jula 1995. godine. Osnovni kriteriji su kvalitet prijave i opis istraživačkog projekta, zatim referentnost istraživača, odnosno dokazana sposobnost za bavljenje predmetnom temom istraživanja.

## 6. Obaveze izabranih kandidata

- Izabrani kandidat je dužan najmanje dvije trećine perioda trajanja sufinansiranja provesti u BiH;
- Također period do ukupno dva mjeseca može provesti na drugim lokacijama relevantnim za istraživanje, što treba biti obrazloženo u prijavi;
- Autor/istraživač je u obavezi da svaka tri mjeseca podnese kraći izvještaj o toku istraživanja. Nakon završetka sufinansiranja obavezan je podnijeti opširan izvještaj o obavljenom istraživanju, koji mora biti prihvaćen od strane Pododbora za naučnu, kulturnu i izdavačku djelatnost i Organizacionog odbora za obilježavanje 11. jula 1995. godine 26. godišnjice genocida nad Bošnjacima „Sigurne zone UN-a“ Srebrenica i ukop identifikovanih žrtava iz jula 1995 godine;
- Izabrani kandidat je u obavezi da u roku od dvije godine od završetka sufinansiranja objavi jedan ili više naučnih radova u referentnoj publikaciji (časopisu ili zborniku) koji će proisteći iz programa sufinansiranja, a u roku od tri godine i monografiju (na engleskom i/ili maternjem jeziku, iznimno na njemačkom, francuskom, italijanskom i španskom) za čije objavljivanje i eventualno prevođenje po dovršenju rukopisa može tražiti dodatnu pomoć Pododbora i Organizacionog odbora;
- Neispunjavanja opisanih obaveza može dovesti do retroaktivnog gubljenja sufinansiranja
- Sve što nije obuhvaćeno ovim Javnim pozivom regulisaće se posebnim ugovorom koji će autor/istraživač potpisati sa Organizacionim odborom.

7. Prijave projekata na Javni poziv podnose se na Aplikacionim obrascima koji se mogu preuzeti i sa web stranice Memorijalnog centra Srebrenica-Potočari: <https://www.srebrenicamemorial.org/bs> ili dobiti putem e-maila slanjem upita na [info@srebrenicamemorial.org](mailto:info@srebrenicamemorial.org).

Prijava projekta sa priložima na Javni poziv dostaviti zaključno sa **16.07.2021. godine do 12.00 sati** na sljedeću adresu:

Memorijalni centar Srebrenica-Potočari Spomen obilježje i mezarje za žrtve genocida iz 1995. godine  
Potočari b.b.; 75 430 Srebrenica

Prijave dostaviti lično na adresu ili putem pošte u zatvorenim kovertama sa naznakom:  
**„Za Javni poziv – ne otvarati“**

Srebrenica  
18.06.2021.